

"مجزرة هندسة" هاشتاج يروي فظائع اعتداء أمن الانقلاب على هندسة الإسكندرية ويشبهها بالحرب



الثلاثاء 14 أكتوبر 2014 12:10 م

#مجزرة_هندسة" هاشتاج جديد انطلق منذ ساعات قلائل بمجرد أن تقوم بالضغط عليه يظهر لك من الصور والفيديوهات ووصف الأحداث ما لم تتخيله، ربما تعتقد لوهلة أن الحرب قد قامت دون أن تدري". كانت تلك كلمات أحد الطلاب واصفًا مشاعره لما حدث اليوم

"مجزرة_هندسة" هاشتاج تفاعل معه نشطاء مواقع التواصل الاجتماعي على موقعي فيس بوك وتويتر، بعد ما قامت قوات الأمن ظهر اليوم باقتحام كلية الهندسة بجامعة الإسكندرية، والاعتداء على الطلاب بقنابل الغاز والرصاص الحي والخرطوش، ما أدى إلى إصابة عشرات الطلاب بينهم حالات خطيرة، واعتقال آخرين

دوّن الطلاب خلال تلك الصفحة ما شاهدوه خلال تلك الأحداث، حيث قالت مريم شريف: "عارف يعني إيه سفالة وقذارة وقلة أدب يعني تحاصر بنات وشباب جوا مدرج وتقف عليهم وتضرب عليهم خراطيش وغاز جوا المدرج يارب انتقم يارب انتقم".

وقالت فاطمة محمد: "انهارده المدرعات دخلت جوه الكلية والقنص كان للطلبة اللي في المدرجات متسالش عميد كلية إيه ولا رئيس جامعة إيه؟ دول اللي يسلمو بكده بس أصل عادي احنا في مصر عادي يعني دم وجثث الطلبة تبقى في الحرم الجامعي عادي إن الغاز يبقى مالي شوارع الكلية كلها بكل مبانها".

ودون أحمد علاء ما حدث اليوم قائلاً: "النهارة الداخلية مش مجرد اقتحمت كلية هندسة و قامت بـ #مجزرة_هندسة، لا، النهارة المدرعات دخلت بكل بساطة الكلية واتمشت قدام مبني إدارة، وفي شارع إنتاج وكهربا، وعند غزل - الجراج، وعند ميكانيكا يعني الكلية كلها".

وتابع: "مش بس كذا حضرتك، تم حصار الطلاب في مباني الكلية، ومكانش فيه طالب يجرو علي تقديم رجليه برا باب المبني مش بس كذا حضرتك، ده كمان تم دخول البلطجية للمدرجات ويُقال إنهم فتنشوا موبايلات الطلبة علشان محدش يكون مصور حاجة أو كذا... وأقولك الكبيرة بقا عارف في الأفلام الأجنبية بتاعت الحروب (وخاصة الحرب العالمية الثانية)، لما دولة تعلن خضوعها للدولة الأخرى المسيطرة ع معظم الأراضي .. وتشوفوا المشهد بقا بتاع تسليم الجنود لسلاحهم وخروجهم من المعسكر مطأطي الرءوس، رافعي الأيدي، ويتم شحنهم في عربة كالخراف...أهو المشهد بقا دا بالضبط أسقطه علي طلاب كلية كاملة بيخرجوا من بوابة (اللي تم كسرهما والاقترام الأول من خلالها) وعلي البوابة عربية جيش ومدرعة وواقف ع أول الشارع باقي القوات .. (دا طبعا بغض النظر عن اللي اتمسكوا".

فيما روى أسامة كمال: "لو ليكم حد في هندسة احمدوا ربنا إنه لسه عايش واللي ميعرفش حد هناك ياربت تدخلوا علي #مجزرة_هندسة ، حتعرفوا أد إيه البلد دي مينفعش تحلم بأي حاجة". قفلوا الأسر وكل الأنشطة، وحالياً داخلين علي الكليات بالمدرعات، وكمان بيقبضوا على الطلبة من جوا المدرجات، والقبض العشوائي بقى شيء اعتيادي، ما يعترفوا بفشلهم ويوقفوا التعليم أحسنلهم من المهالز اللي بتحصل يومياً دي وحسبنا الله ونعم الوكيل".